



UNIVERSITÄTS-
BIBLIOTHEK
PADERBORN

Universitätsbibliothek Paderborn

Petri Danielis Huetii Demonstratio Evangelica

Huet, Pierre Daniel

Parisiis, 1679

Caput trigesimum tertium. Jesus venit in Galilaeam, & Capharnaum.

urn:nbn:de:hbz:466:1-16260

animalium, & Seniorum, & erat numerus eorum millia millium, dicentium voce magna, Dignus est Agnus qui occisus est, accipere virtutem, & divinitatem, & sapientiam, & fortitudinem, & honorem, & gloriam, & benedictionem.

CAPUT XXXIII.

Jesus venit in Galilæam & Capharnaum.

ISA. 9. 1, 2. Primo tempore alleviata est terra Zabulon, & terra Nephthali: & novissimo aggravata est via maris trans Jordanem Galilæa gentium: populus qui habitabat in tenebris vidit lucem magnam, habitantibus in regione umbrae mortis lux orta est eis.

MATTH. 4. 12, & seq. Cum autem audisset Jesus quod Johannes traditus esset, secessit in Galilæam; & relicta civitate Nazareth venit, & habitavit in Capharnaum maritima, in finibus Zabulon & Nephthalim: ut adimpleretur quod dictum est per Isaiam prophetam, Terra Zabulon, & terra Nephthalim, via maris trans Jordanem, Galilæa gentium; populus qui sedebat in tenebris vidit lucem magnam, & sedentibus in regione umbrae mortis lux orta est eis.

CAPUT XXXIV.

Jesus inter homines frequenter versatur.

PROV. 8. 31. Delicia mea esse cum filiis hominum.

ISA. 7. 24. Ecce Virgo concipiet, & pariet Filium, & vocabitur nomen ejus Emmanuel. ISA. 12. 6. Exulta & lauda, habitatio Sion, quia magnus in medio tui sanctus Israël.

Bar. 3. 38. Post hec in terris visus est, & cum hominibus conversatus est.

Soph. 3. 15. Rex Israël Dominus in medio tui, non timebis malum ultra.

Agg. 2. 5, 6. Ego vobiscum sum, dicit Dominus exercituum; verbum quod pepigi vobiscum, cum egredieremini de terra Ægypti: & spiritus meus erit in medio vestrum; nolite timere.

MATTH. 1. 22, 23. Hoc autem totum factum est, ut adimpleretur quod dictum est à Domino per Prophetam dicens, Ecce Virgo in utero habebit, & pariet Filium, & vocabunt nomen ejus Emmanuel, quod est interpretatum, Nobiscum Deus.

Matth. 28. 20. Ecce ego vobiscum sum omnibus diebus, usque ad consummationem seculi. Joh. 1. 14. Et Verbum caro factum est, & habitavit in nobis; & vidimus gloriam ejus, gloriam quasi unigeniti à Patre; plenum gratie & veritatis.

CAPUT XXXV.

Jesus concionator, doctor, & magister.

PSALM. 2. 6. Ego autem constitutus sum Rex ab eo super Sion montem sanctum ejus, predicans preceptum ejus.

Psal. 21. 23. Narrabo nomen tuum fratribus meis: in medio Ecclesie laudabo te.

Psal. 39. 10, & seq. Annuntiavi justitiam tuam in ecclesia magna; ecce labia mea non prohibebo; Domine, tu scisti: justitiam tuam non abscondi in corde meo, veritatem tuam & salutare tuum dixi: non abscondi misericordiam tuam & veritatem tuam à concilio multo.

MATTH. 4. 17, 23. Exinde cepit Jesus predicare & dicere, Penitentiam agite, appropinquavit enim regnum celorum. Et circuibat Jesus totam Galilæam docens in Synagogis eorum, & predicans Evangelium regni. Et 5. 1, & seq. & 7. 29. & 9. 35. & 11. 1. & 13. 54. Marc. 1. 14, & seq. & 1. 21, 22. & 1. 38, 39, 45. & 2. 13. & 4. 1. & 5. 20. & 6. 2, 34. & alibi sæpe. Et Luc. 4. 15. & 5. 3, 17. & 6. 6. & alibi sæpe. Et Joh. 6. 60. & 7. 14, 28. & 8. 2, 20.

Matth.